



DEO OPTIMO MAX.
UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum die Mercurii septimo
Decembris M. DCC. XL.

M. LUDOVICO-ALEXANDRO VIEILLARD,
Doctore Medico Præside.

An ab imminutâ sanguinis velocitate in capillaribus, facilius quæcunque secretio?

I.



N corpore humano quidquid solidum, ferè idomne vasculosum est. Quæ igitur fluidorum copia? Hi liquores quantam in æconomia animali personam agunt? Singuli diversis munitis, dotibus, motibus, locis insipientur. Sanguis hotum vehiculum, fons, receptaculum, officina. Fluidæ partes totam movent machinam. Harum actionem in solidas quis ignorat? Ipsas vellicant, lubricificant, atterunt, refarciunt. Mutuum est officium. A solidis vicissim aguntur, verberantur, secernuntur, mirum sanè commercium, at quanana arte fotum? Ope proculdabio secretionum. His depravatis, brevi ceteræ functiones læduntur; turgent vasa humoribus superfluis referta; tabescunt omnes partes alimento defraudatæ; cor palpitatur, languet, cessat; totum corpus pessumdatur. Ità sibi omnes partes famulantur, ut una corrupta alterius perniciem trahat; sibi igitur solidæ partes, dum secretionem exequentur, consulant. Secretio multiplex; toto calo à se invicem discrepant varii humores se-

cernendi; ergò vario mechanismo separantur; semen aliter, aliter Sancto-
riana perspirato. Communes tamen natura leges imposuit. Quivis humor præ-
paratione indiget; ea fit potissimum in minimis vasis. Humorum particule
antèa passim fluitantes in iis recolliguntur, simul coeunt. Prima humoris sepa-
randi rudimenta, antequàm ad secretorios ductus perveniant, inchoantur; eos
denique commodè subeant necessum est.

I I.

SANGUINIS motus à corde. Celeriter grandiora vasa percurrit, mox
minimos Mæandros organaque his contexta penetrat. Ibi mirum
dictu serpit, ludit, moratur. Hos anfractus jure theatrum secretionum dixeris.
Arteriæ infinita ramulorum prole extenuatæ, à suâ degenerant naturâ, venosâ
gaudent indole. Interim in lateribus minimorum tubulorum hiant crebra alio-
rum ductuum ora solas humorum partes admittendi capacia, rejectis sanguineis
crassioribusque. Vasa secretoria vocant. Pro variis humoribus minora majorave.
Ad ea cum sanguine varii appellant humores. Hi foraminula suarum partium
moli accommodata subeunt; auxiliatur blandus organorum tonus. Frustrâ in-
terea sanguinis & aliorum humorum crassiores molecule ad ostiola luctantur,
via occluditur, motu fluidorum aguntur in patula venarum officia, ipsis ite-
rum circulationis leges subeundæ. Sic perficitur secretio. Verùm quàm diversa
humorum conditio est in majoribus vasis; eadem particule quæ certam in mi-
nimis liberæ molem affectant, tritu, frictu, compressione in minores decre-
sunt, faciliùs difficiliùsve, pro diversâ suâ indole. Mireris seminis, bilis, salivæ
moleculas, tenuiores quàm sua fert natura, promiscuè cum humoribus subti-
lioribus in sanguine rotari. Oculorum aciem vitris etiàm armatam fallunt. Fluidi
unici formam referunt. Humores sic subactos ad fistulas secretorias devictos si-
gito; violatur statim secretionum ordo, mira ubique portentia, quælibet partes
& sanguinis & humorum mole diversâ jam non insignes, promiscuè recipiun-
tur, sanguis tumultuat, arietat fortiter, nimio ipsius molecularum nisu victa
ostiola ductuum cribrosorum dilatantur. A se tritas nunquam vias ingreditur
purpureus latex; nullus humor suis dotibus distinguitur ubique adulteratus cete-
rorumque omnium particeps. Quis proinde inficias ibit humores præparatione in-
digere in minimis vasis, antequam ad cribra perveniant; necesse summe esse ut
placide & commodè subeant tubulos sibi pervios? Frustrâ natura secretionum
aggrederetur, nisi omnia huic faverent operi.

I I I.

EX diametris duorum ramorum simul sumptis, linea exsurgit major diame-
tro ipsius vasis à quo proficiuntur. Idem de sobole horum ramorum dicas.
Ea lex constanter ab origine ad imas aortæ radices observatur; eadem in omni
vasculoso systemate. Venæ arteriis capaciores numerosioresque: (vasa pulmo-
nalia excipias) fidem faciunt inspectio cadaverum, & injecti liquores in eorum
vasa. Proinde spectentur quatuor majora vasa in cor sanguinem eructantia,
eorumque propagines, ut quatuor coni; bases extrema, apices cor respicient.
Amplior venæ cavæ quàm aortæ conus. His positis, sit istud axioma per prin-
cipia hydraulica & hydrostatica demonstratum. Quoties à spatio minori in ma-
jus liquor transit (modo eadem sit vis propellens) imminuitur ejus velocitas, eâ
proportionem quâ spatium augetur, & vice versâ. Hæ leges vasis & liquidis nostri
corporis præ sunt. Ergò major sanguinis velocitas in aortâ quàm in ipsius ramis,
in arteriis quàm in venis, in majoribus truncis venarum quàm in ipsarum sur-
culis. Sanguis è corde statim emicans, quâ potest maximâ truditur velocitate;
ea quâ proportionem vasa dividuntur, miscet. In capillaribus vix sensibilis. In

venis similiter, prout in majores truncos cœunt, acceleratur. Quò longius à corde peregrinatur sanguis, eò lentius progreditur. Ea à corde distantia, numero & capacitate ramorum compensari potest. Hæc doctrina mechanicis, pariter & physicis stabilitur. Non minus fluidorum impetui adversantur fiæctus, obices, superficies ampliata: sanguinem debacchantem mirificè refrenant anguli, anfractus multiplicati, parietes vasorum incredibiliter extensi. Verùm natura varios artificum in usus usurpat. Hæc tarditæ utitur egregiè in præparandis & discernendis humoribus.

I V.

PARTES humorum quæ iisdem constant principiis, certâ quâdam analogiâ & affinitate gaudent; simul junctæ non sine certâ vi à se invicem separantur; eadem in ipso contactûs momento amore quodam incitata (attractio Newtoniana in Physicis audit) aliæ in alias ruunt; plures in unam moleculam conglobantur. Secus in partibus diversæ naturæ, res peragitur. Effectus hi constant, causa nil ad rem: oleum cum aquâ in vas aliquod affundatur, quamdiu placidè quiescent hi liquores, adversarii dissociatique remanebunt. At motu violento eorum partes dividi, & intricari inter se perpetuo frictû valent; speciem fluidi Homogenei mentiri, colore fucatæ albo. Verùm quies concilietur, partes cognatæ, prout licet, cognatis sese consociare amant. Ab Heterogeneis mirum fit divortium. Emergere particulas ex hac confusione expeditas, in grandiores moleculas citò concrefcere videas. Jam oleum & aqua, latrâ depositâ, genuino prodeunt habitu. Hæc citius tardiùsvè peraguntur, prout mixti latitantes diversâ sunt crassitie. Olea destillata tenuiora faciliè ab aqueis, quibuscum trita sunt, crassiora per expressionem extracta, agrè sese explicant. Non aliud de nostris humoribus judicium esto. Alii tenues, aquei, volatiles, spirituosî; alii pingues, crassi, saponacei sunt. In corde & majoribus vasis, idem omnes motus agit; confusæ salivæ, urinæ, bilis, seminis partes, jactantur, colliduntur; imminet jam dicta damna. Sanguinem ad extrema fugientem, sequamur curiosus; mille subit obvios canales; angustis minùs coercetur limitibus (de totâ massâ intelligas) mille in itinere nascuntur obices; anfractuum, angulorum, parietum resistentiam majorem semper experitur. Vires eundo amittit, impetus ipsius compefcitur, scaturit molliter. In ultimis ramusculis mirâ tranquillitas, mirus ordo. His in recessibus, procul à tumultu, natura operatur; amicæ partes liberæ amicas appetunt, ipsi junguntur. Exarantur in eodem organo variorum humorum lineamenta. Horum moleculæ peculiari suâ quælibet mole insigniuntur; harum nonnullis patent poti cribrosi, aliis, ut potè majoribus, sunt impervii. Ea latent oculos; ex his nonnulla tamen cernere est in laticibus extra corpus stagnantibus, non abimilia lac & sanguis phenomena subjicient spectantibus. In lacte: quietis opè, partes caseosæ massam constituent albicantem; supernatant oleosi butirosique globuli; serum undequæque fluit. In sanguine celerius videas partes rubras, limphaticas, serosas, biliosas, quasque suum locum occupantes. Hæc auxilia sanguinis segnities humorum præparationi confert. Eorundem secretioni perficiendæ non minorem fert opem; ea dat justo organa tono librari, ora secretoria à partibus majoribus non dilatari, violari. Ipsius beneficio particula debita mole instructæ placidè, commodè, successivè notos ineunt ramites; eas porulos sibi accommodatos quaritantes, importunus ad ostia venosa non rapit impetus.

V.

SUPRA expositis, omnimodè per eum quem servat ordinem, assentitur natura. Has ipsa regulas, iis sese religiosè accommodando, confirmat. Quo humor est crassior, eò difficilius separatur, eò majori indiget quiete; eò igi-

tur in vasis majorem divisionem passis præparatur, eò in organis à corde remotioribus secernitur. Ea lex constanter ubique observatur. Dubitas? Urinæ, seminis, bilis indolem contempleris: renum, testium, hepatis situm & structuram tibi ponas ob oculos. Naturam ad has sese accingentem secretionis explorare, operæ certè pretium est. Urina & semine, & bile tenuior; renes à corde non longè cernere est. Vasa renalia, non in permultos (si cum aliis conferantur organis) dilabi furculos videas. At quàm diversus ad feminis & bilis secretionem apparatus? Injeo natura tota est, ut sanguinem, bile ferum remoretur. Hepar (spectatum ut organum in quo bilis secernitur) in abdomine, infra diaphragma positum, longius à corde distat, quàm si in extremis artubus fuisset collocatum. Inauditum Paradoxum! Stupenda æconomia! Non sicut alia organa ultimos arteriarum furculos, at secundas venarum propagines recipit. Sanguis Hepar ingressurus ad bilis secretionem, ex arteriis capillaribus, per omnium ferè abdominis viscerum tubulos, radices venarum mesaraicarum, ipsarum & venarum portarum truncos, hujus denique ramusculos traducitur. Quæ proinde ipsius segnitie? Quin & lien hujus operis fautor viderur. Diu magna torfit ingenia; ipsius tamen usum subodorari non nefas. Lincei huc usque Anatomici nullius neque secretorii, neque excretorii vestigium vasis deprehendere; proinde nulla in ipso secretio peragitur. Restat ut ad secretionem bilis juvandam collimer: quo pacto? Quietem & fluiditatem liquorum secretioni conferre demonstratum est; sanguini utramque conciliat. Ipsum ut pulmones terit, premit, fluidiorem reddit; at secus ac in pulmonibus ab hoc viscere vena redux, multò major arteria est; ergo & segniori. Eo artificio sanguis venarum portarum diluitur, retardatur. Viden corpora pampiniformia, proles illas cum parentibus mole non conferendas? Quot vasorum ambages! Viden testiculos, à corde quàm remotissimè natura potuit, extra corpus pendulos? Ne mireris; vix ullum crassiorem spermate laticem in corpore invenias; segnitie opus est. Humorum præparationem in minimis vasis, ipsorum commodam in cribra introductionem, communes secretionum leges esse constat; eas nullà alià arte obtineri posse, nisi segnitie sanguinis in minimis vasis demonstravimus; proinde eam secretionibus plurimum favere quis diffitebitur? Alit auctà velocitate sanguinis motu musculari, medicamentove intus assumpto, quædam augmentur secretiones, nil officit; spiritus tantum, urina, sudor, his artibus promovenitur; hi liquores tenuiores, minori quiete indigent. Sudor esse excretio ferè contra naturam. Non nisi sanguine insolenter agitato, victisque repagulis, prorumpit. Denique, quantumvis augeatur motus sanguinis per causam qualemcumque, semper ea velocitas præter ordinem concepta, minor erit in minimis vasis, quàm naturalis in majoribus.

Ergo ab imminutâ sanguinis velocitate in Capillaribus, faciliior quacumque secretio.

DOMINI DOCTORES DISPUTATURI.

M. Joannes Midy.

M. Michaël-Joseph. Majault.

*M. Philippus Caron, antiquus
Facultatis Decanus.*

M. Joannes-Jacobus Belleseste.

M. Antonius Ferrein,

*M. Petrus Joannes Burette,
Professor & Censor Regius,
& è Regiâ Numismatum
Academia.*

M. Michaël-Philipp. Bouvart.

*M. Ludovicus - Jacobus
Pipereau.*

M. Petrus Marais,

Proponebat Parisiis PETRUS - JOSEPHUS MACQUER, Parisinus,
Baccalaureus Medicus, A. R. S. H. 1740, à sextâ ad meridiem.

Typis QUILLAU, Universitatis & Facultatis Medicinæ Typographi, 1740.